

## **МОНГОЛ УЛСЫН ИХ ХУРЛЫН ТОГТООЛ**

**1993 оны 1 дүгээр  
сарын 12-ны өдөр**

**Дугаар 07**

**Улаанбаатар  
хот**

**"Төрөөс мөнгөний бодлогын талаар  
1993 онд баримтлах чиглэл"-ийг  
батлах тухай**

Монгол Улсын Их Хурлаас ТОГТООХ нь:

НЭГ."Төрөөс мөнгөний бодлогын талаар 1993 онд баримтлах чиглэл"-ийг хавсралтын ёсоор баталсугай.

ХОЁР."Төрөөс мөнгөний бодлогын талаар 1993 онд баримтлах чиглэл" батлагдсантай холбогдуулан дараахь арга хэмжээ авч хэрэгжүүлэхийг Монгол Улсын Засгийн газар, Монголбанкинд даалгасугай.

1/чөлөөт валютын тооцоонд шилжсэнээс хойшхи хугацаанд үүссэн гадаад зээлийн өр, төлбөрийн талаар болон улсын валютын нөөцийг сэргээх тодорхой санал боловсруулж энэ оны 3 дугаар сард багтаан Улсын Их Хуралд оруулах;

2/Монголбанкны гадаад активыг энэ оны эхний хагаст багтаан 10,0-аас доошгүй сая ам.доллараар нэмэгдүүлэх арга хэмжээ авах;

3/улсын эрдэнэсийн сангийн талаар төрөөс баримтлах бодлогын үндсийг боловсруулж Улсын Их Хурлын энэ оны хаврын чуулганд оруулах;

4/мөнгөний эргэлтийг түргэтгэх, төлбөр тооцоог шуурхай болгох шаардлагад нийцүүлэн банкны холбоо, мэдээллийн сүлжээг сайжруулах, найдвартай ажиллагааг хангах, төлбөрийн бэлэн бус тооцооны хэлбэрийг нэвтрүүлэх арга хэмжээ авах;

5/дор дурдсан хуулийн төслийг боловсруулж энэ оны эхний хагас жилд багтаан Улсын Их Хуралд өргөн мэдүүлэх:

- а/валютын тухай хууль;
- б/зээл, тооцооны харилцааны тухай хууль;
- в/мөнгөн хадгаламжийн тухай хууль;

6/Засгийн газраас авч явуулах бодлогын хүрээнд хэрэгжүүлэх арга хэмжээг санхүүжүүлэхэд зориулан арилжааны банкнаас олгох зээлд өрийн бичиг, баталгаа гаргаж өгөх.

**ГУРАВ.Мөнгөний** бодлогын хэрэгжилт, үр дүнг улирал тутам, мөнгөний статистик мэдээллийг сар тутам Улсын Их Хуралд танилцуулж байхыг Монголбанк /Д.Моломжамц/-нд даалгасугай.

**ДӨРӨВ.Арилжааны** банкны төлбөрийн чадварыг нийт активт эзлэх өөрийн хөрөнгийн хэмжээ, арилжааны банкнаас нэг зээлдэгчид олгох зээлийн дээд хэмжээ, бусдаас татан төвлөрүүлсэн хөрөнгөд ногдох түргэн борлогдох актив, бусдаас татан төвлөрүүлсэн хөрөнгө, зээлийн харьцаа зэрэг үзүүлэлтээр дүгнэж байхаар тогтоосугай.

**ТАВ.Энэ** тогтоолын биелэлтэд хяналт тавьж шаардлагатай туслалцаа үзүүлж байхыг Улсын Их Хурлын Төсөв, санхүү, мөнгө, зээлийн бодлогын байнгын хороо /А.Базархүү/-нд үүрэг болгосугай.

**ДЭД ДАРГА**

**Ж.ГОМБОЖАВ**

**Улсын Их Хурлын 1993 оны 07  
дугаар тогтоолын хавсралт**

**ТӨРӨӨС МӨНГӨНИЙ БОДЛОГЫН ТАЛААР 1993  
ОНД БАРИМТЛАХ ЧИГЛЭЛ**

Төрөөс мөнгөний бодлогын талаар дараахь чиглэлийг баримтална:

-эдийн засгийг зах зээлийн харилцаанд шилжүүлэх үйл явцыг гүнзгийрүүлэх, эдийн засгийг тогтвортжуулах шаардлагад нийцүүлэн мөнгөний нийлүүлэлтийг эдийн засгийн бодит өсөлтийн үзүүлэлттэй уялдуулах, үнийн өсөлтийг бууруулахад чиглүүлэн мөнгөний эргэлтийг түргэтгэх, шинэ дэвсгэрт гүйлгээнд гаргаж хэрэглээ хангах;

-Засгийн газрын төсвийн алдагдлыг дотоодын банкны зээлээр оны дундуур санхүүжүүлж оны эцэст зээлийн өргүй байлгах;

-гүйлгээнд нэмж гаргах мөнгөний хэмжээг нийг мөнгөний цэвэр өсөлтийн 25 хувиас хэтрүүлэхгүйгээр бэлэн мөнгөний гүйлгээг зохицуулах;

-арилжааны банкнаас олгох зээл нь эргэж төлөгдөх баталгаатай, эдийн засгийн илүү үр ашигтай арга хэмжээнд зориулагдаж байх, зээлжүүлэх объектын төрөл, хэлбэрийг өргөжүүлэхэд чиглүүлж, Засгийн газрын захиалгатай зарим томоохон объектын хөрөнгө оруулалтын санхүүжилтийг арилжааны банкуудын хооронд өрсөлдүүлэх замаар сонголт хийлгэх, зээлийн тусгай сан байгуулж хамтран зээлжүүлэх арга хэмжээ хэрэгжүүлэх;

-эдийн засгийн бүтцийг өөрчлөх, хувийн секторыг хөгжүүлэхэд дэмжлэг үзүүлэхэд зээл, хүүгийн бодлогыг чиглүүлэх, хаврын тариалалт, ургац хураалт, мал, мах бэлтгэл зэрэг хөдөө аж ахуйн цаг үеийн ажлыг санхүүжүүлэхэд зориulan Монголбанкнаас арилжааны банкуудад олгох зээлийн хүүг хөнгөлөлттэй тогтоох;

-банкнаас төгрөгийн хадгаламжид төлөх ба олгох зээлийн хүүг эерэг түвшинд хүргэж, банкин дахь хадгаламжийн хөрөнгийн худалдан авах чадварыг хамгаалах замаар банкны системд итгэх итгэлийг бэхжүүлэх;

-төлбөр тооцоо, банкны бүртгэл, мэдээллийн тогтолцоог олон улсын жишигт хүргэх арга хэмжээ боловсруулж хэрэгжүүлэх;

-валютын зах зээлийг хөгжүүлэх үндсэн дээр төгрөгийн чөлөөт валюттай харьцах ханшны хөвөх системд шилжих;

-улсын валютын нөөцийг сэргээж 20-иос доошгүй сая ам.долларт хүргэх, үнэт зүйл, эрдэнэсийн сангийн нөөцийн талаар төрөөс баримтлах бодлого боловсруулан зохих жухмын дагуу батлуулж хэрэгжүүлэх ажил зохион байгуулах, Монголбанкны гадаад активыг 10,0 сая хүртэл ам.доллараар нэмэгдүүлэх арга хэмжээ авах;

-төрийн өмчийн буюу төрийн өмч давамгайлсан хувь нийлүүлэгчээс арилжааны банкинд хувь нийлүүлсэн хөрөнгийг хувьчлах хөтөлбөр боловсруулж Улсын Их Хуралд танилцуулж, зохих журмын дагуу хэрэгжүүлэх;

-Засгийн газраас Олон улсын валютын сантай байгуулсан "Эдийн засгийг тогтвортжуулах хөтөлбөр"-ийн биелэлтийг гаргаж, улмаар "Эдийн засгийн бүтцийг тохируулан өөрчлөх төсөл"-ийн хүрээнд мөнгөний бодлогын чанартай арга хэмжээ авч холбогдох үзүүлэлтийг харилцан тохиролцож хэрэгжүүлэх;

-арилжааны банкнаас олгох нийт зээлийн 15-аас доошгүй хувийг эдийн засгийн бүтцийг сайжруулах, үйлдвэрлэлийг нэмэгдүүлэх, зах зээлийн дэд бүтцийг хөгжүүлэх явдлыг дэмжих чиглэлээр хийгдэх хөрөнгө оруулалтыг санхүүжүүлэхэд зориулах.